

QVOD LIBETARIIS DISPVATIONIBVS MANE DISCVTIENDA  
IN SCHOLIS MEDICORVM, DIE IOVIS XII. FEBRVARII, M. FRANCISCO

DV PORT DOCTORE MEDICO MODERATORE PRVDENTISSIMO.

*An viuientis, & mixti temperamentum vnum?*

**N**O STRI pars melior animus *ἡ ἀνὴρ, αἰσθητικὸς καὶ λογιστικὸς ὁ ἄνθρωπος*; vitæ, sensus, motus experts, corporis gaudet, dolétque consortio. Corpus animum, animus corpus infringit. Horum mutua victoria. Sanguis lætitiæ, amorem, mansuetudinem, prudentiam, & ad scientias aptitudinem infert. Bilis iram, audaciam, inconstantiam, propensitatem in venerem, cum ingenij acumine parit. Pituita metum, motus & sensus tarditatem & *ἀπορίαν* conciliat. Melancholia stultitiæ parens, taciturnitatis comes *μυσθροπονία*, vt & sensuum omnium caliginem inducit. Hinc animi mores corporis temperies constituit immutatque, non astra, non incantamenta. Eadem ipsos indicat, & aperit, non corporis habitus, non oculi, non nates, non aures, non pili. Rationis robur feroces animorum motus frenat, torpidos erigit & excitat.

**A**NIMANTIBVS omnibus homo præstat, cunctis vt natis imperet. Cuius ideo corpus est *σύνθετον ὁ συνισταὶς*, facies illustris, figura recta, manus ad præstantissimum quoduis opus organum, sensuum omnium perfectio. Corpus materiam habet semen, & sanguinem: hunc quantitate & qualitate noxium, illud totâ substantiâ excrementum. Ab elementis oriuntur, eorûque qualitates (in quib. actiue duæ, duæ omninò passiue) retinent, quarû ministerio miscentur, viuunt, alimentum, & augmentum capiunt. Siccum velut fundamentum humido vincitur, calido viuît & conformatur, frigido temperatur. Humidum quod primigenium dicitur siccum terrefre vnît, partes omnes perfundit, cum earum substantiâ dissipatur, & alimento per nutritionem (antè partium conformationem ferientem) reparatur.

**D**ISSIMILARE necessitate tale corpus, ex variâ cuiusque partis temperie, aptâ primarum qualitaturn proportionem concinnatâ, vniûsq; elementi dominio, (solâ cute exceptâ) æstimandâ, suam crassim temperatissimam sortitur: quæ vt minimè morbosa, ita maximè longæua. Ex ætatibus puerilis *ἐν νηπιάῳ*, vt ex temperatibus ver: senectus hyemis locia, longè dissidet. Nobilis illa temperies, etsi frequens, inultâ tamen à parentibus, aut errore proprio acquisitâ labe, ita defecatur, vt vix benè natus reperiatur, aut incorruptus seruetur. Qui morbo prehensus, grauioribus detinetur symptomatis, difficiliusque resurgit, quàm quorum naturæ affectus consenserit.

**T**EMPERAMENTI cuiusvis iudex sensus, & ratio. Exactè temperatum denotant actionum omnium integritas, habitus corporis *ἡ ὀψίς καὶ ἡ ὑπόστασις*, non quidem in summo (is enim periculosus est) sed medio, formæ pulchritudo, ingens corporis magnitudo, pili (è partium numero explodendi) crassi in pueritia ruffi, ætatis progressu nigricantes, cutis inter calidum frigidum, molle durum, hirsutum & glabrum media, genarum rubor, totius corporis dulcis & halituosus vapor, cæli solisque elementia. Cuius *ἡ ἰσχυροὺς* mulieres, iuuenes, Europæ, Africæ, Americæ incolæ, non minùs quàm viri, pueri Asiatici possunt fieri participes.

**I**NTEMPERIES octo, vnius vel duplicis qualitaturn excessu constitutæ, actione propriâ, excrementorum colore, substantiâ & copiâ iudicantur. Viri calorem mulieres superant, humiditate vincuntur. Pueri adolescentibus calidiores sunt, minus sicci tamen. Ex viuientibus, animalia calidiora sunt, ex animalibus *ἡ ἄνθρωπος*, ex sanguineis quæ ærem trahunt, ex respirantibus, quæ testes forinsecus appensos habent; ex his *ἡ ἀρρὸς ὁ κόπρος*. Mistorum, vt & medicamentorum temperies, ab iisdem elementis orta sensus latet, nec nisi sub obscure visui, odoratui & gustui se se promittit, effectu certo dignoscitur. Calida à nativo calore, frigida à seipsis operantur. Mixta plus aquæ & terræ, viuientia plus ignis & aëris obtinent.

*Ergo viuientis & mixti temperamentum vnum.*

Asserebat Lutetiæ DIONYSIVS ALLAIN Parisinus, Anno R. S. M. DC. XV.

DOMINI DOCTORES DISPVATVRI.

M. Franciscus le Sage.

M. Ioannes Axaxia.

M. Nicolaus Marchant.

M. Georgius Cornuty.

M. Gasparus Brayer.

M. Franciscus du Port, Presf.

M. Guillelmus du Val, Prof. Reg.

M. Nicolaus Henault.

M. Ioannes Beauchefne.